

LA

no. 9

# NOUVELLE

DEFAITE OBTENVE

SVR LES TROVPPES DE

Henry de Valois, dans les Faux-  
bourgs de Tours, le huićtiesme

May 1589.

*Par Monseigneur le Duc de Mayenne, Pair  
& Lieutenant general de l'Estat Royal  
& Couronne de France.*



A PARIS,

Chez Nicolas NIVELLE, rue S. Jacques,  
aux deux Colonnes.

Et Rolin THIERRY, rue des Anglois,  
pres la place Maubert.

Libraire & Imprimeur de la sainćte Vnion.

M. D. LXXXIX.

AVEC PRIVILEGE.

LA

# NOUVELLE

DEFAITE OBTENUE


PAR LES TROUPES DE

Henry de Valois, duc de

Angoulême, contre le duc de

Mai 1589.

Par l'ordonnance de Monsieur le Duc de Montpensier, Lieutenant  
Général de France, et de Monsieur le Duc de Nemours, Lieutenant  
Général de la Province de France.



A PARIS,

Chez Nicolas IVrere, rue de la Harpe,  
aux deux Colonnades.

Et chez Thierrey, rue des Anglois,  
près la place de la Bastille.

Libraire & Imprimeur de la Cour de France.

M. D. LXXXIX.

1589.



# Aduis de la nouuelle

DEFFAITE OBTE-

NVE PAR MONSEIGNEVR

le Duc de Mayenne, sur les troupes

de Henry de Valois, le Lundy 8. iour

du present mois de May, 1589.



ESSIEVRS, Mon-

seigneur le Duc de

Mayenne, ayant eu

aduiz Samedi au

soir, que le Roy de

Nauarre auoit passé

la riuiere avec ses troupes, & estoit

à Maillé, & que nostre ennemy de-

uoit aussi faire passer les siennes, &

eux ioints ensemble, venir droit à nous pour nous presenter le cōbat: Ledit Sieur Duc, feit le lendemain matin marcher toute son armee, & sen alla coucher à S. Pater, distāt de trois lieuës de ce lieu du Chasteau duLoir, où il estoit venu le iour precedent pour asseurer le Chasteau, qui est fort & d'importance pour le passage, d'où deux heures apres minuit, il marcha en ordre iusques pres de Tours, qui en est à six lieuës, & aduertý par noz cheuaux legers, & les coureurs qu'il auoit enuoyé deuant, que noz ennemis auoient changé de dessein, & que les troupes du Roy de Nauarre auoient repassé la riuíere: & que les autres estoient contentez de barriquer & retrancher en plusieurs endroits les faux-bourgs, qui sont deça la riuie-



re au bout du pont, ayans logé en iceluy toute leur infanterie, qui estoit de trois mil hommes, & que la plus part des gens de qualité & bōs Capitaines y estoient: Il estima estant si pres d'eux, qu'il deuoit faire quelque effort, pour les cōtraindre à sortir, ou bien leur emporter de force (s'il y auoit moyē) les faux-bourgs: & que ceste entreprise, si elle reussissoit bien, leur feroit perdre des hōmes & de la reputatiō, & que peut estre, la crainte que ceux de Tours en auroient, causeroit quelque remuēmēt en la ville à nostre aduantage: Il feit aussi tost recognoistre les faux-bourgs, dont la venue estoit tres-difficile. Et apres auoir attaqué vne escarmouche, faisant asseoir deux canons pour les desloger d'une maison, qui estoit

tres-forte à l'aduenüe dudiect faux-  
 bourg: Il fit au mesme temps don-  
 ner vn nombre choisi de soldats,  
 qui y allerent auectant de courage  
 & resolution, que le combat y fut  
 fort grand, & tousiours aux mains  
 de toutes parts: y ayant vn grand  
 nombre de gentils-hommes, Capi-  
 taines, & des meilleurs soldats esdits  
 faux-bourgs, qui faisoient si bien  
 leur deuoir, qu'il failloit gagner  
 lesdictes barricades pied à pied, &  
 l'vn apres l'autre, iusques au pont.  
 Ce combat dura opiniastrement &  
 sans aucune discōtinuation, depuis  
 vne heure apres Midy, iusques sur  
 les sept heures du soir, que lesdicts  
 faux-bourgs furent entieremēt oc-  
 cupez & nos soldats logez en iceux,  
 & le pont gagné. Ceux de dedans  
 auoiēt aussi des canōs & coulleur-

nes, desquelles ils se seruirent pour nous offencer de tout leur pou- uoir, pendant tout le temps du combat. Noz ennemis y ont perdu plus de cinquante gentils hō- mes, & gens de commandement, entre lesquels on tient Grillon, Rube mpré & Iarzay, tous trois Maistres de camp, chacun d'un re- giment, le sieur de Bonneual Lieu- tenant de la compagnie du Maré- chal d'Aumont, deux des quarante cinq, dont l'un qui fut retiré mort a esté condamné à estre pen- du par iugement du Preuost, & au- tres, selō que les prisonniers nous ont rapporté, dont le nom n'est encores sceu, outre lesquels on a rapporté que le Conte de Mont- bazon auoit eu les deux iambes emportées d'un coup de canon.



Et de leurs meilleurs soldats ils en sont demeurez sur la place plus de quatre à cinq cens, vn grand nombre de blesez, & plusieurs qui se sont renduz à nous, & d'autres qui sont prisonniers, entre lesquels est le sieur de Castel, premier Capitaine du regiment de Picardie: Si bié que ceste perte leur couste plus de douze cens hommes. Chastillon estoit aux faux-bourgs, la Trimouille & le Marechal d'Aumont y estoient aussi, qui faillirét à estre pris: Nous y auons perdu de nostre costé deux bons Capitaines du Regiment de Poncenat, qu'on regrette beaucoup, & enuiron cinquante soldats & autant de blesez. C'est effect si soudain & la perte de ces faux-bourgs, que noz ennemis pensoient cōseruer deux  
mois



mois contre nostre armee entiere,  
 & la ruiner & consommer à ceste  
 entreprise, si elle la faisoit, pour la  
 difficulté des aduenües, barrica-  
 des, tranches & nombre de gens  
 qui les gardoient, ont donné be-  
 aucoup d'estonnement en la vil-  
 le, mesme la perte de tant de gens  
 de qualité. Et a-on eu aduis bien  
 certain, que sans la venue du  
 Roy de Nauarre, qui arriua avec  
 ses troupes à la pointe du iour,  
 que le Roy estoit en volonté de  
 quitter la ville, ayant mesmes faict  
 apprester les cheuaux pour cest  
 effect: Toutesfois estant asseuré  
 par ce secours, & voyant qu'au-  
 cun remuement n'aduenoit en la  
 ville, apres auoir temporisé le  
 lendemain iusques à Midy, sans  
 que personne sortit hors pour

venir à la guerre, & n'y ayant plus moyen d'entreprendre d'auantage, pour estre la ville delà la riuiera où nous n'auions point de forces, ny moyen de faire passer les nostres, ne pouuans aussi seiourner en ce lieu où les ennemis auoient tout gasté au parauant nostre venue, & que noz soldats & gens de cheual estoient fort incommodéz; en fin par faute de viures & de fourrage, ledict sieur Duc de Mayenne, fit retirer nostre armee en bon ordre, pour attendre & receuoir noz ennemis, s'ils faisoient quelque sortie, ce qu'ils n'ont faict. Ce iourd'huy il est retourné en ce lieu du Chasteau du Loir, pour la refraischir quelques iours seulement, & apres aduiser à l'employer. Je vous puis

bien asseurer, Messieurs, que si Dieu eust voulu que noz forces eussent esté suffisantes pour les diuiser, & en mettre vne partie delà la riuierex, qu'en peu de iours nous eussions peu rendre maistres de Tours, qui eust finy ou aduancé bien fort l'issuë de ceste guerre, & tiens pour certain que la victoire nous eust demouré entiere.

Voilà encores de nouvelles faueurs que Dieu nous faict à la ruine de ceux qui persecutent son Eglise, & veulent soustenir l'impieté, & nous asseurés entierement, qu'il nous donnera l'ysuë conforme à si bons commencemens, ayant si fort enflé le courage de nos soldats, qu'avec vne si iuste querelle ils n'estiment rié leur estre impossible, & font si peu de cas des dan-



gers qui se presentent ayans Dieu pour leur chef, que la resolution avec laquelle ils combattent, montre à l'œil combien sa cause leur est affectiōnee. Et ne croy pas que les villes qui par l'ambitiō, crainte ou traistre persuasion de ceux qui leur cōmandent, ont prins le party du Tyran & de l'heresie, ne songent à leur salut, & ne taschent par tous moyens à se deliurer du ioug de ces Atheistes, & se ioindre à nous, qui ne demandōs que l'honneur de Dieu, la conseruation de son Eglise Catholique, Apostolique Romaine, & le bien de tout le peuple. Car faisans autrement, & combatans contre Dieu, elles ne peuuent attendre que leur ruine entiere avec celle de leurs biens, femmes & enfans, laquelle ils se

deuroiét proposer deuât les yeux,  
& qui ne leur manquera pas selon  
leurs demerites, estant Dieu tres-  
iuste qui baille à chacun le chast-  
ment que ses fautes meritent. Nô  
pas que nous nous veuillions ex-  
cuser d'estre sans peché : car nous  
nous cōfessons plus pecheurs que  
les autres, mais pour le moins nô  
nous assurons, que soustenans la  
querelle contre vn Tyran, Athee,  
& remply de vices, il nous aidera,  
& fera que ce deuoir & bonne vo-  
lonté purgera noz fautes, & nous  
fera la grace de mettre ce desolé  
Royaume en paix, & l'affranchir  
de tant d'impositions & mange-  
ries qui l'ont rongé, par l'intelli-  
gence que ce mōstre a eu avec les  
heretiques. Dequoy les villes Ca-  
tholiques se doiuent bien ressou-

uenir, & penser que sa meschanceté  
 croist tous les iours, l'estât déclaré  
 ouuertement associé des ennemis  
 iurez de la France. & que mesmes  
 à present qu'il est quasi desnudé de  
 tous moyes, il n'espargnera ne leur  
 sang ne leur bource par quelque  
 voye que ce soit, qu'il ne s'en serue  
 pour s'en ayder, ne en estât pas d'a-  
 uantage soucieux qu'il a esté cy de-  
 uant, quand il nous a ruinez sans  
 aucune nécessité. C'est laur petit  
 peuple à se ressentir du biē qui luy  
 est présenté, & se deliurer de ceux  
 qui loū pour estre accoustumez à  
 mal faire, ou pour auoir des Estats  
 & Offices, maintiennent la tyran-  
 nie, n'espargnant vie ne moyen  
 aucun à ce faire, par ainsi Dieu luy  
 fera fauorable & l'affranchira des  
 malheurs qui le menacent, & sont



prests à tomber sur sa teste. Dieu  
leur en face la grace & nous aug-  
mente les victoires à sa louan-  
ge, conseruation de son

Eglise, & bien  
de l'Estat.

F I N.

*Extraict du priuilege.*

**P**A R priuilege donné & octroyé, par Messieurs du Conseil general de la saincte Vnion des Catholiques : à Nicolas Niuelle, & Rolin Thierry, Libraire & Imprimeur: Il leur est permis d'imprimer: *La nouuelle Defaictte obtenüe sur les troupes de Henry de Valois, Par Monseigneur le Duc, &c.* Et tout ce qui sera ordonné & procedera d'iceluy. Et sont faictes deffences à tous autres Libraires & Imprimeurs, d'imprimer ou faire imprimer, ny exposer en vente ledict Discours, ou ce qui sera faict & arresté doresnauant audict Conseil, sur peine de confiscatiõ des exemplaires, & d'amende extraordinaire, ainsi que plus à plein est contenu par ledict Priuilege. Donné à Paris, le 18. Avril, 1589.

Signé,

SENAULT.